



ШЕШІМ

21.12.2020

Нұр-Сұлтан қаласы

РЕШЕНИЕ

№ 560/78-VI

город Нур-Султан

Нұр-Сұлтан қаласы әкімінің
елорданың әлеуметтік-экономикалық
дамуы туралы есебі

Нұр-Сұлтан қаласының мәслихаты Нұр-Сұлтан қаласының әкімі А.С. Көлгіновтің есебін тыңдап әрі талқылағаннан кейін, атқарушы органдардың экономикалық өсу қарқынын сақтауға, әлеуметтік саланы дамыту мен халықтың өмір сүру сапасын жақсартуға бағытталған міндеттерді жүзеге асыру бойынша жүйелі және жоспарлы жұмыстарын атап өтті.

2020 жылғы қаңтар-қарашада өнеркәсіп өндірісінің көлемі 3,6% өсумен 919,6 млрд теңгені құрады. Өңдеу өнеркәсібінде 4,2% өсіммен 823,8 млрд.теңге көлемінде өнім шығарылды (машина жасаудағы өсу есебінен – 31,8%, металлургия өнеркәсібінде – 2,5%, тамақ өнімдері өндірісінде – 3, 9%, сусындар өндірісінде – 2,6%, машина мен машина жасау жабдықтарын қоспағанда, дайын металл бұйымдары өндірісінде – 6,7%).

Ағымдағы жылы № 1 Индустриалды парк аумағында 540 жуық жұмыс орнын құрумен жалпы сомасы 17,3 млрд.теңгені құрайтын 6 жоба пайдалануға берілді. 2020 жылдың соңына дейін 400 аса жұмыс орнын құрумен жалпы сомасы 5,9 млрд. теңгені құрайтын 5 жобаны пайдалануға беру жоспарланып отыр.

Жұмыс істеп тұрған шағын және орта бизнес субъектілерінің саны (бұдан әрі – ШОБ) 2020 жылғы 1 желтоқсандағы жағдай бойынша 142,9 мың бірлікті құрады және өткен жылдың сәйкес кезеңімен (2019 жылы – 133,7 мың бірлік) салыстырғанда 6,9%-ке өсті.

2020 жылғы қаңтар-маусым айларында ШОБ субъектілерімен тауарларды (жұмыстарды, қызметтерді) шығару 2 684,7 млрд. теңгені құрады және 2019 жылдың сәйкес кезеңімен (2019 жылғы қаңтар-маусым – 2 407,1 млрд. теңге) салыстырғанда 3,8%-ке өсті.

«Бизнестің жол картасы – 2025» аясында биыл 52,8 миллиард теңгеге 298 шарт жасалды.

Қаңтар-қараша айларында инвестиция көлемі 941,7 млрд. теңгені құрады немесе 2019 жылдың сәйкес кезеңімен салыстырғанда – 119,6%. Құрылыс жұмыстарының көлемі 482,4 млрд. теңгені немесе 2019 жылдың сәйкес кезеңіне – 105,2% құрады.

2020 жылғы қаңтар-қарашада 57,1% өсіммен 2 251,2 мың шаршы метр тұрғын үй пайдалануға берілді.

2020 жылғы 3-ші тоқсандағы жұмыссыздық деңгейі 4,7% құрайды (27 779 жұмыссыз). 2020 жылдың 3-ші тоқсанындағы 15-28 жас аралығындағы жастар арасындағы жұмыссыздық – 4,6% құрайды. 2020 жылғы 3-ші тоқсандағы экономикалық белсенді халықтың өзін-өзі жұмыспен қамтығандар – 11,1% (65 847 адам).

2020 жылғы қаңтар-қыркүйек айларында орташа айлық жалақы 284,9 мың теңгені құрады - бұл 2019 жылдың сәйкес кезеңінен 0,8% жоғары.

2020 жылғы 1 желтоқсандағы жағдай бойынша есепті кезеңге 546,0 млрд. теңге немесе 95,4% қаржыландыру жоспарының (572,3 млрд. теңге) игерілді.

Мемлекеттік бюджетке 2020 жылдың 1 желтоқсанына 1 082,7 млрд. теңге салықтар мен басқа да міндетті төлемдер түсті немесе 2019 жылдың кезеңіне 101,5%, республикалық бюджетке 776,2 млрд. теңге аударылды (2019 жылғы кезеңге – 94,7%), жергілікті бюджетке – 306,5 млрд. теңге (2019 жылғы кезеңге – 124%).

Әлеуметтік салаға 187,9 млрд. теңге (бюджеттің – 29%) қарастырылған, соның ішінде білімге – 129,5 млрд. теңге (113,7 млрд. теңге игерілді), денсаулық сақтауға – 18,5 млрд. теңге (16,5 млрд. теңге игерілді).

2020 жылдың қаңтар-қараша айларында онша ауыр емес қылмыстар саны – 26,7%-ке, ал ауырлығы орташа қылмыстар 48%-ке азайды. Онша ауыр емес қылмыстардың ашылу деңгейі – 61,3% құрады, аса ауыр қылмыстар саны – 88%.

Азаматтардың жекелеген санаттарына әлеуметтік қолдау көрсетіледі, халықтың жұмыспен қамтылуын қамтамасыз ету бойынша шаралар қабылдануда. Карантин кезеңінде «Жұмыспен қамтудың жол картасы» бағдарламасы бойынша 15 мыңнан астам адам жұмыспен қамтылды, олардың жартысынан көбі Жұмыспен қамту орталығы арқылы (7 737 адам) қамтамасыз етілді.

Биыл 173 көшедегі 100 шақырымнан астам жол салынды және жолдар жөнделді, оның ішінде 104 көше (40 км) тұрғын алаптарында.

150 аула мен 60 қоғамдық орын абаттандырылды, соның ішінде – 17 қоғамдық орын және 23 аула тұрғын алаптарында.

Елордада отбасы институтын дамытудың әртүрлі бағыттары бойынша білім беру және оңалту бағытында 10 әлеуметтік орталық ашылды. Соңғы ашылған орталықтардың бірі - «Алтын шаңырақ», «Бақытты шаңырақ», осы орталықтарда карантин жарияланған кезде көп балалы аналар күніне 5 мың бетперде тікті.

Азаматтарға арналған «Сенім» медиация орталығы жұмыс істейді, онда құқықтық және психологиялық тегін көмек үнемі ұйымдастырылып тұрады.

Өртүрлі мамандықтардың негіздерін оқыту үшін көп балалы аналар мен жалғызбасты аналарға, сондай-ақ ерекше қажеттіліктері бар балаларды тәрбиелеп отырған аналарға «Кәсіпкер ана» жобасы құрылды.

Барлық ашылған орталықтар қолжетімді тұрғын үймен қамтамасыз ету шеңберінде салынған үйлердің бірінші қабаттарында орналасқан.

40 мыңнан астам адамға қызмет көрсетілген «Жанұя» отбасы институтының қолдау орталығында «бір терезе» қағидаты бойынша жұмыс жасау үшін жағдайлар жасалды. БЦП-мен ауыратын балаларға арналған иппотерапия орталығының құрылысы басталды.

Тәжірибе көрсеткендей, қабылданған шаралар нәтижесінде халықтың әлеуметтік осал топтарының негізгі бөлігі, соның ішінде көпбалалы отбасыларға мемлекет тарапынан атаулы, нақты көмек көрсетіліп, тұрғындармен сындарлы диалог құрылды.

Нұр-Сұлтан қаласы мәслихатының сессиясы елорданың әлеуметтік-экономикалық дамуының оң қарқынына, қаланы дамыту бойынша қабылданған шараларға қарамастан, кейбір проблемалық мәселелер бар екенін атап өтті.

Бюджеттік бағдарламалар әкімшілері шығындарды ұтымсыз жоспарлау жағдайлары бар - бұл бюджетті нақтылау мен түзету қажеттілігіне алып келеді. Кейіннен бюджеттік жоспарлаудағы кемшіліктер бөлінген бюджет қаражатын игерудің уақтылығына және дебиторлық қарыздың өсуіне әсер етеді.

Қаланы дамыту бағдарламасын іске асыру жөніндегі іс-шаралар жоспарында көзделген мақсатты индикаторлар кейбір салаларда орындалмады (денсаулық сақтау мекемелерін дамыту, мүгедектерді, соның ішінде ҰЕҰ атынан өкілдік ететін мүгедектерді әлеуметтік қорғау және өмір сүру сапасын жақсарту бойынша жұмыс, коммуналдық тұрғын үй қорына тұрғын үй сатып алу, көпқабатты үйлердегі лифттерді ауыстыруды жүзеге асыру).

Әлеуметтік маңызы бар азық-түлік тауарларының, медициналық өнімдердің бағасының тұрақтылығын қамтамасыз ету, пандемия жағдайында кәсіпкерлікті дамыту және елорданы газдандыру жобасының өтемділігі өзекті мәселелер болып табылады. Ғимараттарды салу мен пайдалану кезінде қауіпсіздік талаптарын сақтамау жиілігінің артуы алаңдаушылық туғызады.

Нұр-Сұлтан қаласының мәслихаты **ШЕШІМ ҚАБЫЛДАДЫ:**

1. Нұр-Сұлтан қаласының әкімі А.С. Көлгіновтің елорданың әлеуметтік-экономикалық дамуы туралы есебі назарға алынсын.

2. Нұр-Сұлтан қаласының әкімдігіне:

Қаланы дамыту бағдарламасының мақсатты индикаторлары мен іс-шараларын жоспарлау деңгейін көтеру, тұрақты негізде Қаланы дамыту бағдарламасының мақсатты индикаторларын орындамау қаупіне (себептеріне) толық талдау жүргізу;

бюджеттік заңнаманың және мемлекеттік сатып алу туралы заңнаманың сақталуын қамтамасыз ете отырып, көрсеткіштерге қол жеткізумен бюджеттік бағдарламаларды сапалы және тиімді іске асыру үшін шаралар қабылдау;

ғимараттардың жағдайын оларды реконструкциялау, жаңғырту және жөндеу жұмыстарын жүргізу қажеттілігін бағалау;

тұтынушылардың көбін қаланы газдандыру жобасына қосуды қамтамасыз ету механизмдерін қарастыру, елорданың газдандырылған аудандарының тұрғындары арасында ауқымды түсіндіру жұмыстарын жүргізу;

қаланың тұрғын алаптарындағы өмір сүрі жағдайларын жақсарту бойынша жұмысты жалғастыру;

2021 жылы «Жаңа жол» көшесі бойындағы жолдың құрылысы мен қайта жаңартылуына жобалық-сметалық құжаттамаға қаражат бөлу мүмкіндігін іздестіру;

әлеуметтік маңызы бар азық-түлік тауарларына, медициналық өнімдерге баға тұрақтылығын қамтамасыз ету, пандемия жағдайында кәсіпкерлікті дамыту және қолдау бойынша жұмысты күшейту;

жолдардағы кептелістер проблемасын шешу мақсатында елорданың зияткерлік көлік жүйесінің тиімді жұмысын қамтамасыз ету бойынша қажетті шаралар қабылдау.

**Нұр-Сұлтан қаласы мәслихаты
сессиясының төрайымы**

**Нұр-Сұлтан қаласы
мәслихаты хатшысының м.а.**



Г. Данбаева



М. Шайдаров